

## JIAWAITA JÍKJIKAJAME LU'UTURIAM

Ju ley nésa'u jiokte'i ley federal de telecomunicaciones y radiodifusión ti teuwawame, jum ley nésa'u 256, inime jaiki lu'uturiam teuwa, keemam ta'a:

- Nana'u koba namyawamta ama yeu jiutuane, yoi wa'ata tekipanoame, juka puepplo yoemiata wata'u, into itom indígena no'okim.
- Tu'í tekil jiawaita emou naikiane, ka nana'u juka yoemiata no'okim, into koba namya'u, ket ama yeu jiutuane, into junuem bea, inimpo nau jiapsakane into yoreka te ito na'u ju'ujune jume batoim.
- Élapo jume batoim ju radio jiawai'ta átteakame, ka ke jita ama yeu wewetuane, jijiuane. Amak juní'i jitaek jiawiteka'e, jita juní'i ama yeu jiutuane, jita némkiwa'apo bénasi a támachiaka'i o junama programaciompo ju radio into televisiomta áttekame, séchukti a eawapo, jita juní'i ka ama weyemta a yeu simtuane jumaku, jabeta inika tiempota au jinuka'u ta bétana, into kaabem inika bíbikchume lu'uturia makaaka'i. bweytuk junumpo ámani, apo inika jiawai joamta átteakame, a lu'uturiawaik chéptine. Junue bétchi'ibo jume si'ime sisigokim átteakame aek tekipanoane, kaita inile bénak ama yeu simne bétchi'ibo, hum ley nésa'u ta teuwa'apo ámani.
- Élapo yo'orine jaksá horapo jume tekil jiawaim yeu weamapo ámani, ka junuementuk juní'i, taewaim beas ham tetejwa'ane, jita senu tekil jiawai tabwik ama yeu webae'po ámani.
- Ket lu'uturia ta jíppue em a teuwa'anepo, ka em tureo ama yeu si'iko, junuem a teuwa ju ley nésa'u.
- Ju jiawai into videom jekau yeu bíttuawame tu'a tuíne ju jiawa'i, into tu'isi si'ime ama yeu we'ene, ju tekil nemki ya'ari.
- Ju si'ime tekil ya'ari, radio tekil jiawai'po ámani, kaita ju ye mékka eiyaawame, ama yeu jiuane, bem indigenatuka'apo bétchi'ibo, o'ou o jamut, jáiki wasuktiam a jíppue bétchi'ibo, tákapo ka yu'umaisi emo bicha'u, polobetu'une, ko'okoeme, ka nana'u religiomta sualeka bétchi'ibo. jáksa jachim juní'i, ka yee yo'oriwame, jabe batoita juní'i, into jume bem lu'uturiam jípu'e'u, bem jita jone'u ham yoririane, bweytuk junume lu'uturiak jume batoim.
- Jume batoim lu'uturiam y'oriwa'ame, junume tu'u simem bépa kátek, na jume hili uusim lu'uturiam, into jume na'anamcha emo bítwa'ame jume jaamuchim into o'owim, kaabem jak wam eiya'ane.
- Intuchi wate ley nésau jiokteim bétana, ket ham yo'oritebone.

Ju ley nésa'u 258, ket inika wemta teuwa, ju ley nésa'u federal de telecomunicaciones y radiodifusión'ta bétana etéjome, ket tákapo ka yu'umaisi emo bícha'ame ket inime lu'uturiam ket jíppue ta teuwa, jum ley nésau'po:

- Ju tekil jiawai yee bíttuawame, ket yoi nokpo a kuaktaituune, jume ka jíkajame bétchi'ibo into mamamea ameu e'étejona, inika tekilta bea, jo'osakane, jume no'oki aniat weyepo, chea bíbichu'uwa'apo ámani inim mejikobwiapo.
- Élapo jume lu'uturiam, chea ham taetebone, jítasa bem jo'ojoa'u bétana, bweytuk ket bempo ket si'imekut bíba'e, bweytuk bempo au lu'uturiak.
- Ket ame bétchi'ibo ket jaiki wemta jípuene, bem a teuwa'anepo bem ka tureo a jinatuane, bweytuk junume bétchi'ibo kátek ju jiawai, yee no'onkkrianeme bétana, taket ka tua ama búkti ket ane.
- Inime ket lu'uturiam jípuenme, jume tákapo ka yu'umaisi emo jípueme, juka tekil jiawaita, jaisa weiyawa'apo ámani, into jume siisigokim jú'uju átteaka tekipanoame, internet into telefonom amé bétchi'ibo jípu'une.